

հիւսուսային եւ սիրուցաւ աշխարհս Լէհու 5  
 չորս կողմամբ. այս է Թաթարաց զուամարք  
 եւ գունա գունա, այրելով, հրակիզելով, աւե-  
 րելով, քանդելով, հրձիգ առնելով զաշ-  
 խարհս. զոմանս գերի տանելով, զայլս սպա-  
 նանելով, զայլս կողոպտելով, զայլս կապեալ 10  
 պարանով ի ծախ տանելով զկին եւ զորդիս,  
 եւ զկոյս աղջկունս խայտառակելով, պղծե-  
 լով եւ զրզվելով, սովով եւ ծարաւով մա-  
 չելով, եւ մերկ քարչ ածելով ի տօթս ամա-  
 ռայնոյ արեգակնակէզ առնելով եւ ի սաս- 15  
 տիկ սառնասառուոյց ձմեռան զժնդակ ցրտոյն  
 ցրտացուցանելով եւ կակծալի կտտամահ եւ  
 սովալլուկ առնելով. զստնտեայս ի ջուր կամ  
 առջեւ ոտաց ձիոց ընկենլով, զպառաւանց  
 եւ ծերոց զլուխ հատանելով, մեծագզի կա- 20  
 նայս եւ ազատ զինուորս ընդ իւրեանս տա-  
 նելով: Անդ էր տեսանել զճիչ եւ զկահան,  
 յորժամ բաժանէին զհարսն ի փեսայից, զհայր  
 ի որդոց, եւ զմայր ի դստերաց, եղբայր ի եղ-  
 բորէ, արք ի կանանց եւ ընկեր ընկերաց: 25  
 Վա՛յ ինձ հաղար բերան, զոր ես աչօք տեսի.  
 զի կապեալ տանէին բանակ բանակ որպէս  
 զհօտս ոչխարաց, զտունս եւ զշինւածս այրե-  
 լով, զոչխար, զձիս, զկով, զեզն եւ զամենայն  
 անասունս սուրու սուրու քչելով. զի ո՞վ կարէ 30  
 գրել զամենայն մի ըստ միովէ. քանզի բազում  
 դաւառ ամայի դարձաւ եւ մարդիկ ի շինուց  
 հատաւ, վա՛յ ինձ, այս իրեք պատուհասէս: